

嘉慶延安府志

延安府志卷六十四

雜錄

宋史外國一卷下

秉常殺宗之長子母曰恭肅章憲皇后梁氏治平四年冬
卽位時年七歲梁太后攝政熙寧元年三月遣新河北轉
運使刑部郎中薛宗道等來告哀神宗問殺楊定事宗道
言殺人者先已執送之矣乃賜詔慰之并諭令上大首領
數人姓名當爵祿之俟崇貴至卽行冊禮及崇貴至云定
奉使諒祚常拜稱臣且許以歸沿邊熟戶諒祚遺之寶劍
寶鑑及金銀物初定之歸上其劍鑑而匿其金銀言諒祚

可刺帝喜遂授知保安既而夏人失綏州以爲定賣已故殺之至是事露帝薄崇貴等罪而削定官沒其田宅萬計二年二月遣河南監牧使劉航等冊秉常爲夏國十一月夏人元秦州陷劉溝堡殺范愿既而進誓表乞班誓詔及請以安遠塞門二砦易綏州初朝議欲官爵夏之首領計分其勢郭達以爲彼必不受詔且彼既恭順宣布以大信不當誘之以利秉常果不奉詔遣羅重進來言曰上方以孝治天下奈何反教小國之臣判其君哉於是前議遂罷乃賜誓詔而綏州待得二砦乃還夏主受冊而二砦不歸且欲先得綏州遣周萌訛以誓詔來言及趙嵩往交地萌

訛對以朝廷本欲得二砦地界非所約高曰若然塞門二
牆墟耳安用之遂罷詔城綏州八月表請去漢儀復用蕃
禮從之十月遣使來謝封冊三年五月夏人號十萬築開
訛堡知慶州李復主合蕃漢兵纔三千偪遣偏將李信劉
甫种詠等出戰信等訴以衆寡不敵復圭威以節制親畫
陣圖方略授之兵進遂大敗復圭懼欲自解卽執信等而
取其圖略命州官李昭用劾以故違節制詠瘐死獄中斬
信甫配流郭貴復出兵邛州堡夜入攔浪市掠老幼數百
又襲金湯而夏人已去惟殺其老幼一二百人以功告捷
而邈怨大起矣八月夏人遂大舉入環慶攻大順城柔遠

砦蕩原堡淮安鎮東谷西谷二砦業樂鎮兵多者號二十萬少者不下一二萬屯榆林距慶州四十里游騎至城下九月乃退鈐轄郭慶高敏魏慶宗秦勃等死之四年正月种諤謀取橫山領兵先城囉兀進築永樂川賞通嶺二砦分遣都監趙璞燕達築撫寧故城及分荒堆三泉吐渾川開光嶺葭蘆川四砦與河東路修築各相去四十餘里二月夏人來攻順寧砦復圍撫寧折繼昌高永能等擁兵駐細浮圖去撫寧咫尺囉兀兵勢尙完种諤在綏德節制諸軍聞夏人至茫然失措欲作書召燕達戰怖不能下筆顧轉運判官李南公涕泗不已於是新築諸堡悉陷將士千

餘人皆沒初朝議以謗新築囉兀城去綏德百餘里偏梁
險隘難於餽餉且城中無井泉遣李平張景憲往視之未
至而撫寧陷遂詔棄囉兀城五月燕達以戍卒輜重歸自
囉兀爲夏人邀擊達多失亡九月夏遣使入貢且以二砦
易綏州乞如舊約詔不允五年正月夏鈐轄結勝爲麟州
步將王文郁戰降授供奉官久之謀竄歸事覺詔聽其去
六月夏人還蕤原堡逃背熟戶嵬通等七十八人閏七月
遣部將景思立王存以涇原兵出南路王韶由東谷徑趨
武勝未至十餘里逢夏人戰遂至其城瞎藥棄城夜遁大
首領曲撒四王阿南珂出奔乃城武勝十二月遣使進馬

賄大藏經詔賜之而還其馬八年三月夏人以索蕃漢部盜人畜投南界者牒熙河經略司請高太尉赴三岔堡會議牒稱大安二年乃詔鄜延經略司令牒宥州問妄稱年號且牒非其地分邊臣會議皆違越生是事必夏主不知請問之夏人進奉山陵後期詔令先至永厚陵設祭後至闕奉慰帝謂輔臣曰元昊昔僭號遣使上表稱臣其辭猶遜朝廷不先詰其所以然而遽絕之縱邊民蕃部討虜故元昊嘗自謂爲諸羌所立不得辭朝廷不得命不得已而變西師亟戰輒敗天下騷然仁宗悔之當元昊僭書來獨諫官吳育謂難以中國叛臣處之或令稍易以名號議者

皆以爲不然卒困中原而後歲賜封冊爲夏國主良可惜
歲元豐二年六月夏人自滿堂川入大會平殺防田人馬
兵官李浦等逼逐出塞九月綏德把截楊永慶聲微循邈
而掩取蕃部首級詐言斬犯邊人詔毀永慶出身文字送
西京編管四年四月有李將軍清者本秦人說秉常以河
南地歸宋國母知之遂誅清而奪秉常政邸延總管种諤
乃疏秉常遇弑國內亂宜與師問罪此千載一時之會帝
然之遂遣王中正往郵延環慶稱詔募禁兵從者將之詔
熙河李憲等以秉常見囚大舉征夏及詔諭夏國嵬名諸
部首領能拔身自歸及相率共誅國讐當崇其爵賞敢有

違拒者誅九族八月中正及謬言涇原環慶會兵取靈州
復討興州麟府鄜延先會夏州取懷州渡會興州憲總七
軍及董氍兵二萬至新市城遇夏人戰敗之王中正出麟
州襁辭自言皇帝親征提兵六萬才行數里卽奏已入夏
境屯白草平九日不進環慶經略使高遵裕將步騎八萬
七千涇原總管劉昌祚將卒五萬出慶州謬將鄜延及畿
內兵九萬三千出殺德城九月謬圍米脂夏人來救戰於
無定川大破之斬首五千級十月遂克米脂降守將令分
訛遇進攻石州中正以河東軍度無定河循水北行地皆
沙濕士馬多陷沒遂繼謬趨夏川而民皆潰軍無所得遵

裕至清遠軍攻靈州夏人決黃河灌營復抄絕餉道士卒
凍溺死餘兵纔萬三千人遂歸夏人追斬將官俞平死之
中正至宥州奈王井糧盡士卒死亡者已二萬乃引運還
誘兵無食遇大雪死遂潰入塞者纔三萬人昌祚遇夏人
于磨肥監夏之拒者二三萬人昌祚乃分兵渡葫蘆河奪
其隘與統軍國母弟梁大王戰遂大破之憲言於天都山
下焚夏之南牟內殿并其館庫迫襲其統軍仁多唆丁敗
之擒百人遂班師涇原總兵侍禁魯福彭孫護餽餉至鳴
沙川與夏人三戰敗績初夏人聞宋大舉梁太后問策于
廷諸將少者盡請戰一老將獨曰不須拒之但堅壁清野

縱其深入聚勁兵于靈夏而遣輕騎抄絕其餽運大兵無食可不戰而困也梁后從之宋師卒無功五年正月遣使涿州遣書云夏國來稱宋兵起無名不測事端神宗報以令移問事端其同惡不報繼又引兵數萬侵犯我邊界義當有征今彼以屢遭敗衄故遣使詭情陳露意在間貳想彼必以悉察夏人聞此遂不至五月沈括請城古烏延城以包橫山使夏人不得絕沙漠遂遣侍中徐禧內侍押班李舜舉往議禧復請于銀夏宥之界築永樂城永樂依山無水泉獨种諤極言不可禧率諸將竟城之賜名銀川砦禧等還米脂以兵萬人屬曲珍守之永樂接宥州附橫山

夏人必爭之地禧等旣城去九旦夏人來攻珍使報禧乃
挾李舜舉來援而夏兵至者號三十萬禧登城西望不見
其際宋軍始懼翌日夏兵漸逼禧乃以士萬陣城下坐譙
門執黃旗令衆曰視吾旗進止夏人縱鐵騎渡河或曰此
號鐵鶴子當其半濟擊之乃可有逞得地則其鋒不可當
也禧不聽鐵騎旣濟震盪衝突大兵從之禧師敗績將校
寇偉李思古高世木夏儼程博古及使臣十餘輩士卒八
百餘人盡沒詔李憲張世矩往援及令括遣人與約退軍
當還永樂地夏人進侵及縣門潰歸城者決水砦爲道以
登夏人因之奔歸於城者三萬人皆沒夏兵圍之者厚數

里遊騎掠米脂將士晝夜血戰城中乏水已數日鑿井不得泉渴死者大半括等援兵及餽運皆爲夏大兵所隔夏人呼珍來講和呂整景思義相繼而行夏人斃思義囚之而城圍者已浹旬矣夜半夏兵環城急攻城遂陷高永能戰沒禧舜舉運使李稷皆死於亂兵惟曲珍王湛李浦呂整裸跣走免蕃部指揮馬貴獨誓死持刀殺數十人而沒是役也死者將校數百人士卒役夫二十餘萬夏人耀兵米脂城下而還宋自熙寧用兵以來凡得葭蘆吳保義合米脂浮圖塞門六堡而靈州永樂之役官軍熟羌義保死者六十萬人錢粟銀絹以萬數者不可勝計帝臨朝痛悼

而夏人亦困弊夏西南都統鼎星薨名濟廼移書劉昌祚
曰中國者禮樂之所存恩信之所出動止猷爲必適於正
若乃聽誣受間肆詐窮兵侵人之土疆殘人之黎庶是乖
中國之體爲外邦之羞作者朝廷暴興甲兵大窮侵討蓋
天子與邊臣之議爲夏國方守先誓宜出不虞五路進兵
一舉可定故去年有靈州之役今秋有永樂之戰然較其
盛負與前日之議爲何如哉朝廷於夏國非不經營之五
路進討之策諸邊肆撓之謀皆嘗用之矣如微幸之無成
故終於樂天事小之道况夏國提封一萬里帶甲數十萬
南有千闔作我歡隣北有大燕爲我強援若乘間伺便角

力競鬪雖十年豈得休哉卽念天民無辜受此塗炭之苦
國主自見伐之後夙夜思念爲自祖宗之世事中國之禮
無或虧貢聘不敢怠而邇吏幸功上聰致惑祖宗之盟旣
阻君臣之分不交存忘之機發不旋踵朝廷豈不陋哉至
於魯國之憂不在顓臾隨室之變生於楊戚此皆明公得
於胸中不待言而後喻今天下倒垂之望正在英才何不
進讜言闢邪議使朝廷與夏國歡好如初主民重見太平
豈獨夏國之幸乃天下之幸也昌祚上其書帝喻答之六
年二月夏人大舉圍蘭州已奪兩關門鈐轄王文郁集死
士七百夜縋城而下持短兵突營遂拔去五月復來圍九

日大戰侍禁章禁死之乃解去閏六月遣使謨箇咩迷乞
遇來貢表曰夏國累得西蕃征王子書稱南朝與夏國交
戰歲久生靈荼毒欲擬通和緣夏國先曾請所侵疆上不
從以來未便輕許西蕃再遣使散八昌郡丹星等到國稱
南朝語言計會但當遣使齊表自令引起南朝切念臣自
歷世以來貢奉朝廷無所虧怠至於近歲尤甚歡和不意
儉人誣間朝廷特起大兵侵奪疆土城砦因茲構怨歲致
交兵今乞朝廷示以大義特還所侵倘垂開納別効效忠
勤乃賜詔曰頃以權強敢行廢辱朕用震驚令邊臣往問
匿而不報王師徂征蓋討有罪今遣使造庭辭禮恭順乃

開國政悉復故常益用嘉納已戒邊吏毋輒出兵尔亦其
守先盟遂詔陝西河東經略司其新復城砦徼循毋出二
三里夏之歲賜如舊七年正月圍蘭州李憲戰却之六月
政德順軍巡檢王友戰死九月圍定西城燒龕谷族帳遂
以十月攻至靜邊鈐轄彭孫敗之殺其首領仁多陵丁十
二月攻清遠隊將白玉李貴死之八年三月神宗崩賜以
遺留物夏人攻葭蘆供奉王英戰死七月遣使丁拏鬼名
漢鐸副使呂則陳聿精等來奠慰十月遣芭良鬼名濟賴
昇聿張聿正進助山陵禮物夏國主母梁氏薨訃至以朝
散郎刑部郎中杜統充祭奠使東頭供奉官閤門祇候王

有言充弔慰使夏以主母遺留物來進元祐元年二月始遣使入貢五月遣鼎利罔豫章賀哲宗卽位六月復遣誰囉聿來求所侵蘭州米脂等五砦使未至蘇轍兩疏請因其請地而與之司馬光言此邊鄙安危之機不可不察靈夏之役本由我起親開數砦皆是彼田今旣許其內附豈宜斬而不與彼必曰新天子卽位我卑辭厚禮以事中國庶幾歸我侵疆今猶不許則是恭順無益不若以武力取之小則上書悖慢大則攻陷新城當此之時不得已而與之其爲國家之恥無乃甚於今日乎羣臣猶有見小忘大守近遺遠惜此無用之地使兵連不解爲國家之憂願決

聖心爲兆民計時異議者衆唯文彥博與光合遂從之秋
七月乙丑秉常歿時年三十六在位二十年改元乾道二
年天賜禮盛國慶五年大安十一年天安禮定一年謚曰
康靖皇帝廟號惠宗墓號獻陵子乾順立 乾順惠宗

之長子也母曰昭簡文穆皇后梁氏生三歲卽位元祐元
年十月以父歿遣使呂則岡聿謨等來告哀詔自元豐四
年用兵所得城砦待歸我陷執民當盡以給還乃遣金部
員外郎穆衍充祭奠使供備庫使張懋充弔慰使夏遣使
進馬馳來賀龍興節二年正月遣樞樞密院都承旨公事
劉奉世爲冊禮使崇儀副使崔象先副之冊乾順爲夏國

主仍節度西平王三月夏遣大使映吳崑名諭密副使廣
樂毛示聿等詣太皇太后進驄馬以謝奠慰七月夏人攻
鎮戎軍諸堡劉昌祚等禦之而退三年三月攻德靖砦諸
將米贊郝普戰死之詔劉昌祚以涇原萬人駐德順軍熙
河五千人駐通遠軍據秦鳳要害以爲犄角夏人遂攻龍
谷砦砦兵及東關堡巡檢等戰不利死者幾百人四年三
月始遣使謝拜封冊六月稍歸永樂所獲人遂以葭蘆米
脂浮圖安疆四砦與之而畫界未定遣崇儀使董正叟如
京使李玩押賜夏國生日禮物及冬服七月坤成節十二
月興龍節皆遣使來賀五年六月夏人來言畫疆界者不

依綏州內十里築堡鋪供耕牧外十里立封墩作空地例以辨兩國界詔曰已諭邊臣如約夏之封界當亦體此冬攻蘭州之質孤勝如堡旣而遣使來賀正旦六年七月遣使來賀坤成節九月陷麟府三日殺掠不計鄜延都監李儀節等盡沒七年屢攻綏德城以重兵壓涇原境留五旬大掠築壘于沒烟峽口以自固游師雄請自蘭州李諾平東抵通遠定西通渭之間建汝遮納迷結珠龍三砦及置護耕七堡以固藩籬穆衍請於質孤勝如二堡之間城李諾平以控要害議未決秦鳳都監康謂以爲夏之所以未臣附而屢肆兵者以我勢分於隄備兵未練而賞罰失賞

耳若擇銳結五伺彼之動聚則先擊散則復襲則彼分而
我聚以衆擊寡可得志也詔謂諸闕而下其事於諸道八
年四月復遣使以蘭州一境易塞門一砦詔數其違順不
常而却其請紹聖元年二月夏助馬助太皇太后山陵復
遣使再議易地詔不允三年九月大入鄜延西自順寧招
安砦東自黑水安定中自塞門龍安金明以南二百里間
相繼不絕至延州北五里十月忽自長城一日馳至金明
列營環城國主子母親督桴鼓縱騎四掠知麟州有備復
還金明而後騎之精銳者留龍安邊將悉兵掩擊不退金
明乃破守兵二千八百人惟五人得免城中糧五萬石草

千萬束皆盡將官皇城使張俞死之既還留一書置漢人
頸上曰貸汝命爲我投於經略使處其言曰夏國昨與朝
廷議疆場惟有小不同方行理究不意朝廷改悔却於坐
團鋪處立界本國以恭順之故亦屈勉聽從遂於境內立
數保以獲耕而鄜延出兵悉行平蕩又數數入界殺掠國
人共憤欲取延州終以恭順止取金明一砦以示兵鋒亦
不失臣子之節也延師呂惠卿上於樞密院而不以聞初
哲宗聞夏人來寇泰然笑曰五十萬衆深入吾境不過十
日勝不過一二砦須去已而果破金明引退四年正月涇
原鈐轄王文振率諸將破沒湮峽新砦斬獲三千餘級二

月夏復以七萬衆攻綏德鄜延將兵戰退之元符元年十二月涇原折可適掩夏西壽統軍鬼名阿埋監軍妹勒都通獲之彗星見乾順赦國中二年正月國母梁氏薨遣使蕭德崇爲夏人議和乃復書謂若果出至誠深悔謝罪當徐度所宜開以自新之路五月夏蘭會正鈐轄革瓦孃以部落來服降授內殿崇班賜銀絹緡錢各三百七月環州种朴徽赤羊川獲賞囉訛乞家屬百五十餘口孳畜五千夏人千餘騎來追戰却之擒監軍訛勃囉及首領淚丁訛遇詔令赴闕存恤訛乞家屬又遣人持其家信號往招之九月夏人來告國母哀因上表謝過詔夏主省所上表

能抗章引慝已論邊臣我疆彼界毋相侵犯已而夏以二千騎出浮圖峇來戰供奉官陳告差使李斌死之閏九月古邈川部族叛熙河將王愍率兵掩擊翌日夏人馬數萬圍愍等力戰敗之擒其鈐轄嵬名乞遇統制苗履又戰於青唐崦夏人敗績十二月遂遣今能嵬名濟等進誓表曰臣國久不幸時多遇凶兩經母黨之擅權累爲奸臣之竊命頻生邊患增怒上心數端旣深理訴難達幸凶黨伏誅稚躬反正遐馳懇奏陳前咎之所歸乞紹先盟果淵衷之俯納故班詔而申諭獲貢誓以輪誠謹當飭疆吏而永絕爭端戒國人而常遵聖化違約則凶咎再降背盟則基緒

非延約束事條恭愍處分詔報曰爾以凶黨造謀數千邈
更而能悔過請命祈紹先盟念彼種人均吾赤子措之安
靜乃副朕心嘉爾自新俯從厥德爾無爽約朕不食言自
今已往歲賜仍舊三年正月哲宗崩徽宗卽位九月夏遣
使來奠慰及賀卽位十月復遣使來賀天寧節建中靖國
元年乾順始建國學設弟子員三百立養賢務以廩食之
崇寧三年蔡京秉政使熙河王厚招夏國卓羅石廂監軍
仁多保忠厚云保忠雖有歸意而下無附者章數上不聽
京愈責厚急乃遣弟詣保忠許還爲夏之邏者所獲遂迫
保忠赴牙帳厚以保忠縱不爲所殺亦不能復領軍政使

得之一匹夫耳何益於事京怒必令金帛招致之夏乃黠
兵延渭慶三路各數十騎出沒聲言假兵于遼矣三年遼
以成安公主嫁乾順四年詔西邊能招致者毋同首從賞
同斬級令用京計也陶節夫在延州大加招誘乾順遣使
吳請皆拒之又令殺其牧放者夏人遂入鎮戎略萬數口
執知鄜州高永年而去又攻湟州自是兵連者三年大觀
元年始遣人脩貢政和四年冬環州定遠大首領夏人李
訛哆以書遺其國統軍梁哆陵曰我居漢二十年每見春
原既虛秋庾未積糧草轉輸例給空券方春未秋士有飢
色若卷甲而趨徑擣定遠唾手可取定遠旣得則旁十餘

城不攻而下矣我儲穀累歲闕地而藏之所在如是大兵
之來斗糧無庸可坐而飽也哆陵遂以萬人來迎轉運使
任諒先知其謀募民盡發窖穀哆陵圍定邊失所竄越七
日訛哆遂以其部萬餘歸夏乾順築城底河城遂詔河東
節度使童貫爲陝西經略以討之五年春遣熙河經略劉
法將步騎十五萬出湟州秦鳳經略劉仲武將兵五萬出
會州貫以中軍駐蘭州爲兩路聲援仲武至清水河築城
屯守而還法與夏人右廂軍戰於古骨龍大敗之斬首三
千級貫奏凱皆遷秩秋仲武王厚復合涇原鄜延環慶秦
鳳之師攻夏城底河城敗績死者十四五秦鳳第三將今

軍萬人皆沒厚懼厚賂貫而匿之冬夏人以數萬騎略蕭關而去六年春劉法劉仲武合熙秦之師十萬攻夏人多泉城三日不克援後期不至城中請降法受其降而屠之獲首三千級种師道以十萬衆復攻賊底河城克之十一月夏人大舉攻涇原靖夏城時久無雪夏先使數萬騎統城踐塵漲天兵對不覩乃潛穿壕爲地道入城中城遂陷復屠之而去宣和元年童貫復逼劉法使取朔方法不得已引兵二萬出至統安城遇夏國王弟察哥郎君率步騎爲三陣以當法前軍而復遣精騎登山出其後大戰移七時前軍楊惟忠敗入中軍後軍焦安節敗入左軍朱定國

力戰自朝及暮兵不食而馬亦渴死多法乘夜遁比明走
七十里至盭朱峽守兵見追之墜崖折足爲一別膽軍斬
首而去是役死者十萬貫隱其敗而以捷聞察哥見法首
惻然語其下曰劉將軍前敗我於古骨龍仁多泉吾常避
其鋒謂天生神將豈料今爲一小卒梟首哉其失在恃勝
輕出不可不戒遂乘勝圍震武劉仲武何確等赴之乃解
去震武在山峽中熙秦兩路不能餉自築三歲間知軍李
明孟清皆爲夏人所殺初夏人陷去軍圍震武欲援之察
哥曰欲破此城留作南朝病魂乃自引去而宣撫司受解
圍之賞者數百人實自去之也諸路所築城砦皆不毛夏

所不爭之地而闕輔爲之蕭條果如察哥之言十月夏遣使來賀天寧節投以誓詔不取貫不能屈但迫館伴強之使持還及遂遂棄之而去貫炎得而上之貫始大沮欽宗卽位遣使來賀正旦先是金人滅遼粘罕遣撒母使夏國許割天德雲內金肅河清四軍及武州等八館之地約攻麟州以牽河東之勢靖康元年三月夏人遂由金肅河清渡河取天德雲內武州河東八館之地四月陷震威城兵馬監押朱昭死之繼而金貴人兀室以數萬騎陽爲出獵掩至天德逼逐夏人悉奪有其地夏人請和金人執其使歲丁未乾德改元正德時建炎元年也是歲九月金帥兀

本國雲中遣保靜軍節度使楊天吉約侵宋乾順許之十
月通問使傅芳見金左監軍希尹于雲中希尹以國書授
芳爲夏國請熙寧以來侵地蓋彼旣奪其地乃責償于宋
以報之二年正月以主客員外郎謝亮爲陝西撫諭使兼
宣諭使從事郎何洋爲大學博士持詔書賜乾順亮西入
闕鄜延經略使王庶遣亮書曰大夫出疆有可以安社稷
利國家者專之可也夏國爲患小而緩金人爲患大而急
方其挫銳熙河奔北鄜延秋稼未登兵士困餓閭不苟能
伏節督諸路協同義舉雖未足盡雪舊恥亦可驅逐渡河
全秦莫枕徐圖恢復矣亮不能用遂由環慶入西夏慶歷

後夏國主嘗以賓禮見使者亮至乾順乃倨然見之留居
幾月始與約和罷兵亮歸而夏之兵已躡其後襲取定邊
軍民年亮還行在二月會帥婁宿連陷長安鳳翔隴右大
震夏人謀知關陝無備遂檄延安府言太金割鄜延以隸
本國須當理索敢違拒者發兵誅討之帥臣王庶檄報曰
金人初犯本朝嘗以金肅河清界爾今誰與守國家以奸
臣貪得不恤鄰好遂至于此貪利之臣何國無之豈意夏
國躬蹈覆轍比聞金人欲自涇原徑擣興靈方切寒心不
圖尙欲乘人之急幕府雖士卒單寡然類皆節制之師左
支右吾尙堪一戰果能辦此何用多言因遣諜問其用事

臣李迥夏人境不出是歲開封尹崇澤奏疏請北伐且言
乞遣辨士西說夏國東說高麗俾出助兵三年知樞密院
事張浚使川陝謀北伐欲通夏國爲援奏請國書詔從之
七月浚西行復以主客員外郎謝亮假太常卿權宣府處
置司叅議官平使夏國四年正月浚遣亮往迄不得其要
領而還十月環慶路統制慕洵叛降于夏國紹興元年二
月同州觀察副使劉惟輔棄德順軍輸款于夏夏人拒不
受八月詔以夏本敵國毋復班歷日十一月川陝宣撫副
使吳玠始遣人通夏國書二年九月呂頤浩言聞金夏交
惡夏國屢遣人來吳玠闕師古軍中宜令張浚通問以揮

其情是歲餘覩謀結燕雲之人圖女直黏罕覺欲誅之餘
覩父子遁入夏國夏人以其兵少不納四年十二月吳玠
奏夏國數通書有不忘本朝意五年乾順改元大德七年
正月吳玠奏西蕃三十八族首領趙繼忠來歸用可扼西
夏右臂十月僞齊知同州李世輔謀執金帥撒里曷歸宋
不克遂奔夏世輔父母親族在延安者金人殺之無遺類
九年夏人陷府州靈芝生於後堂高守忠家乾順作靈芝
歌俾中書相仁宗和之乾順以世輔爲靜難軍承宣使郿
延岐雍等路經略安撫使世輔請兵將報延安之役夏主
俾先討別種酋豪號青面夜叉者世輔擒之以報乾順乃

爲出兵遣文臣王樞武臣哆訛等隨之世輔軍至延安撒
里烏走耀州世輔購得害其父母者殺之東城關金人降
赦歸宋河南地方乃說王樞等降宋哆訛不從世輔抽刀
斫之不中遂縛樞命土晞韓護送行在五月丙午世輔以
其衆三千人歸宋授世輔護國承宣使樞密行府前軍都
統制賜名顯忠六月四日乾順殂年五十七在位五十四
年改元天儀治平四年天祐民安八年永安三年貞觀十
三年雍寧五年元德八年正德八年大德五年謚曰聖文
皇帝廟號崇宗墓號顯陵子仁孝嗣 仁孝崇宗長子
也紹興九年六月崇宗殂卽位時年十六十月詔還王樞

及夏國之俘百九十八人十一月仁孝尊其母曹氏爲國母
十二月納后罔氏十年夏改元大慶三月詔胡世將與夏
人議入貢夏人不報十一年六月夏樞密使慕濬謀反伏
誅仁孝上尊號曰制義去邪十一年九月夏國饑十三年
三月地震逾月不止地裂泉湧出黑沙歲大饑乃立井里
以分賑之十三年夏改元人慶始建學校于國中立法
于禁中親爲訓導十四年彗星見坤宮五十餘日而滅占
其分在夏國十五年八月夏重大潰太學親釋奠弟子員
賜予有差十六年尊孔子爲文宣帝十七年改元天盛集
舉人始立唱名法十八年復建內學選名儒主之增修律

成賜名曰新二十八年始立通濟監鑄錢二十九年歸宋
官李宗閏上書言夏國副使屈移嘗兩使南朝以爲衣冠
禮樂非他國比恐金人叛盟尊其所與地此其情可見壬
子歲黏罕嘗聚兵雲中以窺蜀夏人謂將圖已舉國屯境
上以待其至今誠遣辯士往說之夏國必不難出兵庶足
爲吾聲援以圖恢復書奏不報三十年夏封其相任得敬
爲楚王三十一年立翰林學士院以焦景顏王僉等爲學
士俾修實錄金主亮犯四川宣撫使吳璘檄西夏俾合兵
討之三十二年夏國移置中書樞密於內門外大禁奢侈
始封制蕃字師野利仁榮爲廣惠王夏人聞金人南侵以

騎兵二千至蔡園川及馬家巉禿頭嶺將分道入攻宣撫使吳璘命鎮戎軍守秦弼說諭之金兵敗夏人乃還乾道三年五月夏國相任得敬遣問使至四川宣撫司約共攻西蕃虞允文報以蠟書七月得敬問使再至宣撫司夏人獲其帛書傳至金人四年夏改元乾祐得敬以謀篡伏誅淳熙十三年二月諜報故遼國大石牙林假道于夏以伐金璘詔利西都統制吳玠與制置使留正議之十三年四月復詔玠結夏國當時論議可否及夏人從違史皆失書紹熙四年九月二十日仁孝殂年七十在位五十五年改元大慶四年人慶五年天盛二十一年乾祐二十四年

謚曰聖德皇帝廟號仁宗陵號壽陵子純佑嗣之 純佑
仁宗長子也母曰章獻欽慈皇后羅氏仁宗殂卽位時年
十七明年改元天慶開禧二年正月二十日廢遂殂年三
十在位十四年謚曰昭簡皇帝廟號桓宗陵號莊陵鎮夷
郡王安全立安全崇宗之孫越王仁友之子開禧二年正
月廢其主純佑自立明年改元應天嘉定四年八月五日
安全殂年四十二在位六年改元應天四年皇建二年謚
曰敬穆皇帝廟號襄宗陵號康陵有子曰承祐齊國忠武
王彥宗之子大都督府主遵頊立 遵頊始以宗室策
試進士及第爲大都督府主嘉定四年七月三日立時年

四十九改元光定金衛紹王崇慶元年三月遣使冊爲夏
國王七年夏左樞密使萬慶義勇遣二僧齎蠟書來西邊
欲與共圖金人復侵地制置使黃誼不報其多金人南遷
議徙都長安遣元帥赤盞以重兵宿鞏州夏主畏其侵迫
乃遣樞密使都招討鞏子寧忠翼赴蜀間議夾攻秦鞏聶
子述俾利西安撫丁焞答書飭將吏嚴兵以待時嘉定十
二年三月也子述等罷去焞持議不可輕動師不可出十
二月鞏子寧遣使復申前說且責我以失期時安丙再開
宣撫許之命利州副都統程信任其責十三年八月鞏
子寧以師期來告丙遂決意出師以奏劄聞諸朝不待報

可命將大舉卒無功夏人審子寧鬼名公輔亦率其衆歸國十四年正月丙回利州十六年遵頊自號上皇傳位於其子德旺寶慶二年春遵頊殂年六十四改元光定十三年謚曰英文皇帝廟號神宗丙戌七月德旺殂年四十六改元乾定四年廟號獻宗清平郡王之子南平王覲立二年丁亥秋爲大元所取國遂亡

夏之境土方二萬餘里其設官之制多與宋同朝賀之儀雜用唐宋而樂之器與曲則唐也河之內外州郡凡二十有二河南之州九曰靈曰共曰宥曰銀曰夏曰石曰蓋曰南威曰會河西之州九曰興曰定曰懷曰承曰涼曰甘曰

肅曰瓜曰沙熙秦河外之州四曰西寧曰樂曰廓曰積石
其地饒五穀尤宜稻麥甘涼之間則以諸河爲溉與靈則
有古柯渠曰唐梁曰漢源皆支引黃河故灌溉之利歲無
旱澇之虞其民一家一帳男年登十五爲丁率二丁取正
軍一人每負贍一人爲一抄負贍者隨軍雜役也四丁爲
兩抄餘號空丁願隸正軍者得射他丁爲負贍無則許射
正軍之疲弱者爲之故壯者皆習戰鬪而得正軍爲多凡
正軍結長生馬馳各一團練使以上帳一弓一箭五百馬
一橐駝五旗鼓鎗劍棍棒抄袋披氍渾脫背索鈇鏑斤斧
箭牌鐵爪箇各一刺史以下無帳無旗鼓人各橐駝一箭

三百幕梁一兵三人同一幕梁幕梁織毛爲幕而以木架有砲手二百人號潑喜陡立旋風砲於橐駝鞍縱石如拳得漢人勇者爲前軍號撞令郎若脆怯無他伎者遷河外耕作或以守肅州有左右廂十二監軍司曰左廂神勇曰石州祥祐曰宥州嘉慶曰韋州靜塞曰西壽保泰曰卓囉和南曰右廂朝順曰甘州甘肅曰瓜州西平曰黑水鎮燕曰白馬強鎮曰黑山威福諸軍兵總計五十餘萬別有擒生十萬興靈之兵精練者又二萬五千別副以兵七萬爲資贍號御園內六班分三蕃以宿衛每有事於西則自東點集而西於東則自西點集而東中路則東西皆集用兵

多立虛砦設伏兵包敵以鐵騎爲前軍乘善馬重甲刺斫
不入用鈎索絞聯雖死馬上不墜遇戰則先出鐵騎突陣
陣亂則衝擊之步兵挾騎以進戰則大將居後或據高險
其人能寒暑饑渴出戰率用雙日避晦日齋糧不過一旬
弓皮弦矢沙柳鋒惡雨雪晝舉煙揚塵夜篝火以爲候不
恥奔遁敗三日輒復至其處捉人馬射之號曰殺鬼招魂
或縛草人埋於地衆射而還篤信機鬼尙祖祝每出兵則
先卜卜有四一以艾灼羊髀骨以求兆名炙勃焦二擗竹
于地若揲蓍以求數謂之擗筭三夜以羊焚香祝之又焚
殺火布靜處晨屠羊視其腸胃通則兵無阻心有血則不

利四以矢擊弓絃審其聲知敵至之期與兵交之勝負及
六畜之災祥五穀之凶稔俗皆土星惟有命者得以无覆
之

延安府卷六十五

雜錄

明史流賊上

李自成米脂人世居懷遠堡李繼遷寨父守忠無子壽於
華山夢神告曰以破軍星爲若子已生自成幼牧羊於邑
大姓艾氏及長充銀川驛卒善騎射鬪狠無賴數犯法知
縣晏子賓捕之將置諸死脫去爲屠天啟末魏忠賢黨喬
應甲爲陝西巡撫朱童蒙爲延綏巡撫貪黷不詰盜盜由
是始崇正元年陝西大饑延綏缺餉固原兵劫州庫白水
賊王二府谷賊王嘉允宜州賊王左掛飛山虎大紅狼等

一時並起有安塞馬賊高迎祥者自成舅也與饑民王大梁聚衆應之迎祥自稱闖王大梁自稱大梁王二年春詔以楊鶴爲三邊總督捕之參政劉應遇擊斬王二王大梁參議洪承疇擊破王左掛賊稍稍懼會京師戒嚴山西巡撫耿如杞勤王兵譁而西延綏總兵吳自勉甘肅巡撫梅之煥勤王兵亦潰與羣盜合延綏巡撫張夢鯨恚死承疇代之召故總兵杜文煥督延綏固原兵便宜勦賊三年王左掛王子順苗美等戰屢敗乞降而王嘉允掠延安慶陽間楊鶴撫之不聽從神木渡河犯山西是時秦地所徵日新餉日均輸日間架其目日增吏因緣爲姦民大困以給

事中劉懋議裁驛站山陝游民仰驛糈者無所得食俱從
賊賊轉盛兵部郎中李繼貞奏曰延民饑將盡爲盜請以
帑金十萬賑之帝不聽而嘉允已襲破黃甫川清水木瓜
三堡陷府谷河曲又有神一元不沾泥可天飛郝臨菴紅
軍友點燈子李老柴混天猴獨行狼諸賊所在蜂起或掠
秦或東入晉屠陷城堡官軍東西奔擊賊或降或死旋滅
旋熾延安賊張獻忠亦聚衆據十八寨稱八大王四年孤
山副將曹文詔破賊河曲王嘉允遁去已復自岳陽突犯
澤潞爲左右所殺其黨共推王自用號紫金梁者爲魁自
用結羣賊老猢猻曹操八金剛掃地王射塌天閻正虎滿

天星破甲錐邢紅狼上天龍蝎子塊過天星混世王等及迎祥獻忠共三十六寨衆二十餘萬聚山西自成乃與兒子過往從迎祥與獻忠等合號闖將未有名楊鶴撫賊不效被逮洪承疇代鶴張福臻代承疇督諸將曹文詔楊嘉謨勦賊所向克捷陝地畧定而山西賊大盛剽掠寧鄉石樓稷山聞喜河津間五年賊分道四出連陷大寧隰州澤州壽陽諸州縣全晉震動乃罷巡撫宋統殷以許鼎臣代之與宣大總督張宗衡分督諸將宗衡督虎大威賀人龍左良玉等兵八千人駐平陽責以平陽澤潞四十一州縣鼎臣督張應昌頗希牧艾萬年兵七千人駐汾州責以汾

大沁遼三十八州縣賊亦轉入磨盤山分衆爲三閭正虎
據交城文水窺太原邢紅狼上天龍據吳城窺汾州自用
獻忠守突沁州武鄉陷遼州六年春官兵共進力擊自用
懼乞降於故錦衣僉事張道濬約未定陽和兵襲之賊怒
敗約去會總兵官曹文詔率陝西兵至偕諸將猛如虎虎
大威頗希牧艾萬年張應昌等合勦屢戰皆大克前後殺
混世主滿天星姬闕鎖翻山動掌世王顯道神等破自用
獻忠老猢猻蝎子塊掃地王諸賊其後自用又爲川將鄧
玘射殺之山西三大盜俱敗初賊之破澤州也分其衆南
踰太行掠濟源清化修武圍懷慶官軍擊之賊遁走別賊

復闖入西山大掠順德真定間大名道盧象昇力戰却賊
賊自邢臺摩天嶺西下抵武安敗總兵左良玉河北三府
焚劫殆徧潞王上疏告急兼請衛鳳泗陵寢詔特遣總兵
倪寵王模率京營兵六千人與諸將並進賊聞之欲從河
內走大行文詔邀擊之不敢進賊之敗於山西者亦奔河
北合營迎祥自成獻忠曹操老獬等俱至京兵蹙其後
左良玉湯九州等扼其前連戰於青店石岡石坡牛尾柳
泉猛虎村屢敗之賊欲逸阻於河大周賊素畏文詔道濟
道濟先坐事遣戍文詔轉戰秦晉河北遇賊輒大克御史
復劾其驕倨調大同總兵去賊遂詭辭乞降監軍太監楊

進朝信之爲入奏會天寒河冰合賊窺從毛家寨策馬徑渡河南諸軍無扼河者賊遂連陷澠池伊陽盧氏三縣河南巡撫元默率諸將盛兵待之賊竄入盧氏山中山間道直走內鄉掠鄖陽又分掠南陽汝寧入棗陽當陽偏初賈巡撫唐暉歛兵守境犯歸巴夷陵等處破夔州攻廣元逼四川所在告急七年春特設山陝河南湖廣四川總督專辦賊以延綏巡撫陳奇瑜爲之以盧象昇撫治鄖陽爲奇瑜破賊延水關有威名而象昇歷戰陣知兵也於是奇瑜自均州入與象昇並進師次烏林岡斬賊數千級賊走漢南奇瑜以湖廣不足憂引兵西擊始賊自澠池渡河高迎

祥最强自成屬焉及入河南自成與兄子過結李牟俞彬
白廣恩李雙喜顧君恩高傑等自爲一軍過與傑善戰君
恩善謀及奇瑜兵至獻忠等奔商雒自成等陷於興安之
車箱峽會大雨兩月馬乏芻多死弓矢皆脫自成川君恩
計賄奇瑜左右詐降奇瑜意輕賊許之檄諸將按兵毋殺
所過州縣爲具糗傳送賊甫渡棧卽大譟盡屠所過七州
縣而畧陽縣數萬亦來會賊勢愈張奇瑜坐削籍而自成
名始著矣已洪承疇代奇瑜李 巡撫陝西吳桂巡撫山
西大學士溫體仁謂牲曰流賊癰疥疾勿憂也未幾西寧
兵變承疇甫受命而東聞變遽返迎祥自成遂入鞏昌平

涼臨洮鳳翔諸府數十州縣敗賀人龍張天禮軍殺固原
道陸夢龍圍隴州四十餘日承疇檄總兵左光先與人龍
合擊大破之會朝廷亦命豫楚晉蜀兵四道入陝迎祥自
成達鎮入終南山已而東出陷東州靈寶汜水滎陽開左
良玉將至移壁梅山漆水間部賊拔下蔡燒汝寧郛乃命
承疇出關追賊與山東巡撫朱大典并力擊賊偵知之八
年正月大會於滎陽老猗猗曹操革裏眼左金王改世王
射塌天橫天王混十萬過天星九條龍順天王及迎祥獻
忠共十三家七十二營議拒敵未決自成進曰一夫猶奮
況十萬衆乎官兵無能爲也宜分兵定所向利鈍聽之天

皆曰善乃議革裒眼左金王當川湖兵橫天王混十萬當
陝兵曹操過天星扼河上迎祥獻忠及自成等畧東方老
猗猗九條龍徃來策應陝兵銳益以射塌天改世王所破
城邑子女玉帛惟均衆如自成言先是南京兵部尙書呂
維祺懼賊南犯請加防鳳陽陵寢不報及迎祥獻忠東下
江北兵單固始霍邱俱失守賊燔壽州陷潁州知州尹
德州判趙士寬戰死殺故尙書張鶴鳴乘勝陷鳳陽焚皇
陵留守署正朱國相等皆戰死事聞帝素服哭遣官告廟
逮漕運都御史楊一鵬棄市以朱大興代之大徵兵討賊
賊乃大書幟曰古元真龍皇帝合樂犬飲自成從獻忠求

之陵監小閹善鼓吹者獻忠不與自成怒偕迎祥西趨歸
德與曹操過天星合復入陝西獻忠獨東下廬州承疇方
馳至汝州命諸將左良玉湯九州尤世威徐來朝陳永福
鄧玘張應昌分扼湖廣河南鄖陽諸關隘召曹文詔爲中
軍文詔未至玘以兵亂死迎祥自成從終南山出大掠富
平寧州老獍獍獻忠曹操蝎子塊過天星諸賊聞承疇出
關先後皆走陝西焚掠西安平涼鳳翔諸郡承疇亟還救
分遣諸將擊老獍獍等令副總兵劉成功艾萬年擊迎祥
自成於寧州萬年中伏戰死文詔怒復擊之亦中伏戰死
羣賊乘勝掠地火照西安城中承疇力禦之涇陽三原間

決死戰賊不得過獻忠老猢猻等山他道轉安朱陽關守
關將徐來臣軍潰死尤世威中箭遁於是羣賊皆出關分
十三營東犯而迎祥自成獨留陝西時盧象昇已改湖廣
巡撫總理直隸河南山東四川湖廣諸軍務詔承疇督關
中象昇督關外賊亦分兵迎祥畧武功扶風以西自成畧
富平同州以東承疇遣將追自成小捷至醴泉賊將高傑
通於自成妻邢氏懼誅挾之來降承疇身追自成大戰渭
南臨潼自成大敗東走迎祥亦屢敗東踰華陰南原絕嶺
偕自成出朱陽關與獻忠合冬十一月羣賊薄閿鄉左良
玉祖寬禦之不克遂陷陝州進攻雒陽河南巡撫陳必謙

晉良王寬援雒陽獻忠走嵩汝迎祥自成走偃師鞏縣畧
魯山葉縣陷光州象昇擊敗之確山九年春迎祥自成攻
廬州不援陷含山和州殺知州黎去業及在籍御步馬如
蛟等又攻滁州知州劉大鞏太僕卿李覺斯堅守不下象
昇親督祖寬羅岱楊世恩等來援戰於朱龍橋賊大敗屍
咽水不流北攻壽州故御史方震孺堅守折而西入歸德
邈將祖大樂破之走密登封故總兵湯九州戰死分道犯
南陽裕州必謙援南陽象昇援裕令大樂等擊賊殺迎祥
自成精銳幾盡賊復分兵再入陝迎祥由鄖襄趨興安漢
中自成由南山踰商雒走延綏犯鞏昌北境諸將左光先

曹變蛟破之自成走環縣未幾官軍敗於羅家山盡亡士
馬器仗總兵官俞翀霄被執自成勢復振進圍綏德欲東
渡河山西兵遏之復西掠永脂耳知縣遼大綬曰此吾故
鄉也勿虐我父老遺之金令修文廟將襲榆林河水驟長
賊濟死甚衆乃改道從韓城而西時象昇及大樂寬等皆
入援京師孫傳廷新除陝西巡撫銳益滅賊秋七月禽迎
祥於盤屋獻俘闕下磔死於是賊黨乃共推自成為闖王
矣是月犯階微未幾出汧隴犯鳳翔渡渭河十年犯涇陽
三原蠋子塊過天星俱來會傳庭督變蛟來連戰七日皆
克蠋子塊降自成與過天星奔秦州入蜀陷寧羌破七盤

關陷廣元總兵官侯良柱戰死賊連陷昭化劔州梓潼江
油黎雅青州等州縣劔州知州徐尙卿吏目李英俊昭化
知縣王時化郫縣主簿張應奇金堂典史潘夢科皆死進
攻成都七日不克巡撫王維章坐避賊檄十一年春官軍
敗賊梓潼自成奔白水食盡承疇傳庭合擊於梓潼原大
破之自成盡亡其卒獨與劉宗敏田見秀等十八騎潰圍
竄伏商洛山中其年獻忠降自成勢益衰承疇改薊遼總
督傳廷改保定總督傳廷以疾辭逮下獄二人去自成稍
得安總理熊文燦方主撫諜者或報自成死益寬之十二
年夏獻忠反穀城自成大喜出收衆衆復大集陝西總督

鄭崇儉發兵圍之令曰圍師必缺自成乃由缺走安武關
往依獻忠獻忠欲圖之覺遁去楊嗣昌督師夷陵檄令降
自成出謾語官軍圍自成於巴西魚復諸山中自成大困
欲自經養子雙喜勸而止賊將多出降劉宗敏者藍田鍛
工也最驍勇亦欲降自成與步入叢祠顧而歎曰人言我
當爲天子盍卜之不吉斷我頭以降宗敏諾三卜三吉宗
敏還殺其兩妻謂自成曰我死從君矣軍中壯士聞之亦
多殺妻子願從者自成乃盡焚輜重輕騎由鄖均走河南
河南大旱斛穀萬錢飢民從自成者數萬遂至南陽出攻
宜陽殺知縣唐啟泰攻永寧殺知縣武大烈戕萬安王采

進攻偃師知縣徐曰泰罵賊死時十三年十二月也自成
爲人高觀深頤顴目易鼻聲如豺性猜忍日殺人斫足剖
心爲戲所過民皆保塢堡不下杞縣舉人李信者逆案中
尙書李精白子也嘗出粟賑饑民民德之曰李公子活我
會繩伎紅娘子反擄信強委身焉信逃歸官以爲賊囚獄
中紅娘子來救飢民應之共出信盧氏舉人牛金星磨勘
被斥私入自成軍爲主謀潛歸事洩坐斬已得未減二人
皆往投自成自成大喜改信名曰嚴金星又薦卜者宋獻
策長三尺餘上識記云十八子主神器自成大悅嚴因說
曰取天下以人心爲本請勿殺人收天下心自成從之屠

戮爲滅又散所掠財物賑飢民民受餉者不辨巖自成也
雜呼曰李公子活我巖復造謠詞曰迎闔王不納糧使兒
童歌以相煽從自成者日衆十四年正月攻河南有營卒
勾賊城遂陷福王常洵遇害自成兵灼王血雜鹿醢嘗之
名福祿酒王世子由松襪而逃自成發王邸金賑飢民遂
移攻開封時張獻忠亦陷襄陽戕襄王翊銘王開封者周
王恭枬聞賊至急發庫金募死士與巡撫都御史高名衡
等固守自成攻七晝夜解去屠密縣賊魁羅汝才土寇袁
時中皆歸自成時中衆二十萬號小袁營汝才卽曹操與
獻忠同降皆叛去者也自成初爲迎祥裨將至是勢大盛

帝以故尚書傅宗龍爲陝西總督使專辦自成別救保定
總督楊文岳會師宗龍馳入關與巡撫汪喬年調兵兵已
發盡乃檄河南大將李國奇賀人龍兵隸部下亟出關文
岳率虎大威軍俱至新蔡與自成遇人龍卒先奔國奇大
威繼之宗龍文岳以親軍築壘自固夜文岳兵潰奔陳州
宗龍與賊持數日食盡突圍走被執死自成陷蔡縣殺副
將陳國能遂圍左良玉於郢城喬年代宗龍總督出關次
襄城自成盡銳攻之喬年與副將李萬慶皆死自成剽削
諸生百九十人遂乘勝陷南陽鄧州十四城再圍開封巡
撫名銜總兵陳永福力拒之射中自成目礮殪上天龍等

自成益怒自成每攻城不用古梯衝法專取僦僦得一輓
卽歸營卧後者必斬取輓已卽穿穴穴成初僅容一人漸
至百十次第傳土以出過三五步留一土柱係以巨絙穿
畢萬人曳絙一呼而柱折城崩矣名衝於城上鑿橫道聽
其下有聲用毒穢灌之多死賊乃卽城壞處用火攻法實
藥囊中火然藥發當者輒糜碎名曰放迸十五年二月城
半圯賊用放迸法攻之鉄騎數千馳譟伺城頽卽擁入城
城故宋汴都金人所重修也厚數丈土堅火外擊賊騎多
殲自成駭而去南陷西華尋屠陳州副使關永傑知州侯
君耀皆罵賊死歸德睢州寧陵太康數十郡縣悉殘燬商

邱知縣梁以樟創死復甦全家殲焉已復攻開封築長圍
爲持久計詔起孫傳庭爲總督釋故尙書侯恂命督師召
左良玉援開封良玉至朱仙鎮大敗奔襄陽諸軍皆屯河
北不敢進開封食盡山東總兵劉澤清亦奉詔至傳廷知
開封急大會諸將西安亟出關來救未至名衡等議決朱
家寨口河灌賊賊亦決馬家口河欲灌城秋九月癸未天
大雨二口並決聲如雷潰北門入穿東南門出注渦水城
中百萬戶皆沒得脫者惟周王如世子及撫按以下不及
二萬人賊亦漂沒萬餘及拔營西南去先是有馬守應稱
老獬狃賀一龍稱革裏眼賀錦稱左金王劉希堯稱爭世

王蘭養成稱亂世王者皆附自成時號革左五營自成乃西迎傅庭兵遇於南陽傅庭軍潰走豫人所謂柿園之敗也是時

大清兵南侵京師方告急朝廷不暇復討賊自成乃收羣賊連營五百餘里再屠南陽進攻汝寧總兵虎大威中礮死楊文岳被殺自成乃脅崇王由櫝使從軍遂由確山信陽泌陽向襄陽左良玉望風南走自成入襄陽分徇屬城及德安諸州縣皆下再破夷陵荊門州自成自攻荊州湘陰王儼鈔遇害燒獻陵木城穿燬宮殿十六年春陷承天將發獻陵有聲震山谷懼而止旁掠潛山京山雲夢黃陂

孝感等州縣皆下先驅偪漢陽良王走九江攻鄖陽撫治
都御史徐起元及王光恩力守不下光恩賊反正者也自
成自號奉天倡義大元帥號羅汝才代天撫民威德大將
軍分其衆曰標營領兵百隊曰前後左右營各領兵三十
餘隊標營白幟黑纛自成獨白纛大纛銀浮屠左營幟白
右緋前黑後黃纛隨其色五營以序直晝夜次第休息巡
徼嚴密逃者謂之落草磔之收男子十五以上四十以下
者爲兵精兵一人主芻掌械執爨者十人軍令不得藏白
金過城邑不得室處妻子外不得攜他婦人寢興悉用單
布幕絛甲厚百層矢礮不得入一兵倖馬三四匹冬則以

苗褥籍其蹠剖人腹爲馬槽以飼馬馬見人輒鋸牙思噬若虎豹軍止卽出駿騎射日站隊夜四鼓蓐食以聽令所過崇岡峻坂騰馬直上水惟憚黃河若淮泗湮渭則萬衆翹足馬背或抱鬣緣尾呼風而渡馬蹠所壅開水爲不流隔陣列馬三萬名三堵牆前者返顧後者殺之戰久不勝馬兵佯敗誘官兵步卒長鎗三萬擊刺如飛馬兵回擊無不大勝攻城迎降者不殺守一日殺十之三二日殺十之七三日屠之凡殺人束屍爲燎謂之打亮城將陷步兵萬人環堞下馬兵巡徼無一人得免獻忠雖至殘忍不逮也諸營較所獲馬騾者上賞弓矢鉛銃者次之幣帛又次之

珠玉爲下自成不好酒色脫粟粗糲與其下共甘苦汝才妻妾數十被服純綺帳下女樂數部厚自奉養自成嘗嗾鄙之汝才衆數十萬用山西舉人吉珪爲謀主自成善攻汝才善戰兩人相須若左右手自成下宛洛克梁宋兵強士附有專制心顧獨忌汝才乃召汝才所善賀一龍宴縛之晨以二十騎斬汝才於帳中悉兼其衆自成在中州所畧城輒焚燬之及渡漢江謀以襄陽爲根本改襄陽曰襄京修襄王宮殿居之改禹州曰均平府承天府曰揚武州他府縣多所更易牛金星教以勦官爵名號大行署置自成無子兄子過與妻弟高二功迭居左右親信用事田見

秀劉宗敏爲權將軍李巖賀錦劉希堯等爲制將軍張鼐
党守素等爲威武將軍谷可成任維榮等爲果毅將軍凡
五營二十二將又置上相左輔右弼六政府侍郎郎中從
事等官要地設防禦使府曰尹州曰牧縣曰令封崇王由
楨陽伯邵陵王在城東陽伯保寧王紹圻宣城伯肅寧
王術授順義伯以張國紳爲上相牛金星爲左輔來儀爲
右弼國紳安定人嘗官參政既降獻文翔鳳妻鄧氏以媚
自成自成惡其傷同類殺之而歸鄧氏於其家六政府侍
郎則石首喻上猷江陵蕭應坤招遠楊永裕米脂李振聲
江陵鄧巖忠西安姚錫允尋以宣城邱之陶代振聲爲兵

政府侍郎其餘受僞職者甚衆不具載使高一功馮雄守襄陽任繼光守荊州蘭養成牛萬才守夷陵王文曜守澧州白旺守安陸蕭雲林守荊門謝應龍守漢川周鳳梧守禹州於是河南湖廣江北諸賊莫不聽命自成卽殺汝才一龍又襲殺養成奪守應兵擊殺袁時中於杞縣獻忠方據武昌自成遣使賀且脅之曰老猢猻已降曹操輩誅死行及汝矣獻忠大懼南入長沙當是時十三家七十二營諸大賊降死殆盡惟自成獻忠存而自成獨勁遂自稱曰新順王集牛金星等議兵所向金星請先取河北直走京師楊永裕請下金陵斷燕都糧道從事顧君恩曰金陵居

下流事雖濟失之殺直走京師不勝退安所歸失之急關
中大王桑梓邦也百二山河得天下三分之二宜先取之
建立基業然後旁略三邊資其兵力攻取山西後向京師
庶幾進戰退守萬全無失自成從之傅庭之敗於柿園而
歸陝也大治兵制火車二萬輜募壯士使白廣恩高傑將
欲俟賊饑而擊之朝議曰督戰不得已出關以牛成盧光
祖爲前鋒由靈寶入洛高傑爲中軍檄廣恩從新安來會
河南將陳永福守新灘四川將秦翼明出商洛爲犄角前
鋒敗賊渑池至寶豐再拔其城次郊自成率萬騎還戰復
大敗幾被禽會天大雨道渾糧車不進自成遣輕騎出汝

自截糧道傳庭乃分軍三令廣恩從大道令高傑親
從間道迎糧令永福守營傳庭旣行永福兵亦爭發不可
禁遂爲賊所蹙至南陽傳庭還戰賊陣五重官軍克其三
已而稍却火車奔騎兵亦大奔賊縱鉄騎踐之傳庭大敗
自成空壁追一日夜踰四百里官軍死者四萬餘人失兵
器輜重數十萬傳庭奔河北轉趨潼關氣敗沮不復振冬
十月自成陷潼關傳庭死遂連破華陰渭南華商臨潼進
攻西安守將王根子開東門納賊自成執秦王存樞以爲
權將軍永壽王誼汎爲制將軍巡撫馮師孔以下死者十
餘人布政使陸之祺等俱降自成大掠三曰下令禁止改

西安曰長安稱西京賜顧君恩女樂一部賞入關策也大
發民修長安城開馳道自成每三日親赴教場校射百姓
望見黃龍轟威伏地稱萬歲諸將白廣恩高汝利左光先
梁甫先後皆降陳永福以先射中自成目保山巔不敢下
自成折箭爲誓招之亦降惟高傑以竊自成妻走延安爲
李過所追折而東渡宜川絕補津以守自成兵所至風靡
乃詣米脂祭奠向爲官軍所發焚棄遺骸築土封之求其
宗人贈金封爵以去改延安府曰天保府米脂曰天保縣
清澗曰天波府鳳翔不下燭之始自成人陝西白謂故鄉
母有侵暴未一月抄掠如故又以士大夫必不附已悉索

諸薦紳擄掠徵其金死者瘞一穴榆林故死守李過等不能克自成發兵攻陷之副使都任總兵王世國尤世威等俱不屈死乘勝取寧夏屠慶陽執韓王稟堦移攻蘭州甘肅巡撫林曰瑞等亦死進陷西寧於是肅州山丹永昌鎮番莊浪皆降陝西地悉歸自成又遣賊渡河陷平陽殺宗室三百餘人高傑奔澤州詔以朱應桂總督三邊收邊兵勦賊然全陝已沒應桂不能進十七年正月庚寅朔自成稱王於西安僭國號曰大順改元永昌改名自展追尊其曾祖以下加謚號以李繼遷爲太祖設天佑殿大學士以牛金星爲之增置六政府尙書設宏文館文諭院諫議

直指使從政統會尙契司驗馬寺知政使書寫房等官以
乾州宋企郊爲吏政尙書平湖陸之祺爲戶政尙書真寧
聶炳爲禮政尙書歸安張麟然爲兵政尙書復五等尙大
封功臣侯劉宗敏以下九人伯劉體純以下七十二人子
三十人男五十五人定軍制有一馬僂行列者斬之馬騰
入田苗者斬之籍步兵四十萬馬兵六十萬兵政侍郎楊
王休爲都肄出橫門至渭橋金鼓動地令宏文館學士李
化麟等草檄馳諭遠近指斥乘輿是日大風霾黃霧四塞
事聞帝大驚召廷臣議大學士李建泰請督師帝許之時
山西自平陽陷河津稷山榮河皆陷他府縣多望風送款

二月自成渡河破汾州絢河曲靜樂攻太原執晉王求桂
巡撫蔡懋德死之北徇忻代寧武總兵周遇吉戰死自成
先遣游兵入故閭掠大名真定而北身率衆賊並遼東犯
陷大同巡撫衛景瑗總兵朱三樂死自成殺代王傅燦代
藩宗室殆盡犯宣府總兵姜瓖迎降巡撫朱之馮死遂犯
陽和出柳溝逼居庸總兵官唐通大監杜之秩迎降三月
十三日焚昌平總兵官李守鏐死始賊欲偵京師虛寔往
往來陰遣人輦重貨賈販都市又令充部院諸掾吏探刺
機密朝廷有謀議數千里立馳報及抵昌平兵部發騎探
賊賊輒勾之降無一還者賊游騎至平則門京師猶不知

也十七日帝召問羣臣莫對有泣者俄頃賊環攻九門門外先設三大營悉降賊京師久乏餉乘隙者少益以內侍內侍專守城事百司不敢問十八日賊攻益急自成駐彰義門外遣降賊太監杜勲縮入見帝求禪位帝怒叱之下詔親征瞑目太監曹化淳啟彰義門賊盡入帝出宮登煤山望烽火徹天歎息曰苦我民耳徘徊久之歸乾清宮令送太子及永王定王於戚臣周奎田宏遇第劍擊長公主趣皇后自盡十九日丁未天未明皇城不守鳴鐘集百官無至者乃復登煤山書衣襟爲遺詔以帛自縊於山亭帝遂崩太監王承恩縊於側自成薨笠縹衣乘烏駿馬入承

天門僞丞相牛金星尙書宋企郊喻上猷侍郎黎志陞張
麟然等騎而從登皇極殿據御座下令大索帝后期百官
三日朝見文臣自范景文勲戚自劉文炳以下殉節者四
十餘人宮女魏氏投河從者二百餘人象房象皆哀吼流
淚太子投周奎家不得入二王亦不能匿先後擁至皆不
屈自成羈之宮中長公主絕而復甦昇至令賊劉宗敏療
治已乃知帝后崩自成命之以宮扉載出盛槨棺置東華
門外百姓過者皆掩泣越三日巳酉味爽成國公朱純臣
大學士魏藻德率文武官入賀皆素服坐殿前自成不出
羣賊爭戲侮爲椎背脫帽或舉足加頸相笑樂百官歸伏

不敢動太監王德化叱諸臣曰國亡君喪若曹不思殯先帝乃在此耶因哭內侍數十人皆哭藻德等亦哭顧君恩以告自成改殯帝后用袞冕禭翟加葦殿云大學士陳演勸進不許封太子爲宋王放刑部錦衣衛擊囚自成自居西安建置官吏至是益盡改官制六部曰六政府司官曰從事六科曰諫議十三道口直指使翰林院曰宏文館太僕寺曰驗馬寺巡撫曰節度使兵備曰防禦使知府州縣曰尹曰牧曰令召見朝官自成南嚮坐金星宗敏企郊等左右雜坐以次呼名分三等授職自四品以下少詹事梁紹陽楊觀光等無不汚僞命三品以上獨用故侍郎侯恂

其餘勲戚文武諸臣奎純臣演藻德等共八百餘人送宗敏等營中拷掠責賂至灼肉折脛備諸慘毒藻德遇馬世奇家人泣曰吾不能爲若主今求死不得賊又編排甲令五家養一賊大縱淫掠民不勝毒謚死相望徵諸勲戚大臣金金足輒殺之焚太廟神主遷太祖主於帝王廟時賊黨已陷保定李建泰降畿內府縣悉附山東河南徧設官吏所至無違者及淮巡撫路振飛發兵拒之乃去自成謂真得天命金星率賊衆三表勸進乃從之令撰登極儀諏吉日及自成升御座忽見白衣人長數丈手劍怒視座下龍鳳鬚俱動自成恐亟下鑄金璽及永昌錢皆不就聞

山海關總兵吳三桂兵起乃謀歸陝西初三桂奉詔入援至山海關京師陷猶豫不進自成劫其父襄作書招之三桂欲降至瀛州聞愛姬陳沅被劉宗敏掠去憤甚疾歸山海襲破賊將自成怒親部賊十餘萬執吳襄於軍東攻山海關以別將從一片石越關外三桂懼乞降於我

大清四月二十二日自成兵二十萬陣於關內自北山巨海我兵對賊置陣三桂居右翼末悉銳卒搏戰殺賊數千人賊亦力鬪關閉復合戰良久我兵從三桂陣右突出衝賊中堅萬騎奔躍飛矢雨墮天大風沙石飛走擊賊如雹自成自挾太子登高岡觀戰知爲我兵急策馬下岡走我

兵追奔四十里賊衆大潰自相踐踏死者無算僵尸徧野
潯水盡赤自成奔永平我兵逐之三桂先驅至永平自成
殺吳襄奔還京師時牛金星居守諸降人往謁執門生禮
甚恭金星曰訛言方起諸君宜簡出由是降者始懼多竄
伏矣自成至悉鎔所拷索金及宮中帑藏器皿鑄爲餅每
餅千金約數萬餅騾車載歸西安二十九日丙戌僭帝號
於武英殿追尊七代皆爲帝后立妻高氏爲皇后自成被
冠冕列仗受朝金星代行郊天禮是夕焚宮殿及九門城
樓詰旦挾太子二王西走而使僞將軍左光先谷可成殿
五月二日我

大清兵入京師下令安輯百姓爲帝后發喪議謚號遣將
偕三桂追自成時福王已監國南京大學士史可法督師
討賊自成至定州我兵追之與戰斬谷可成左光先傷足
賊負而逃自成悉走真定益發衆來攻我兵復擊之自成
中流矢創甚西踰故關入山西會我兵東返自成乃鳩合
潰散走平陽李巖者故勸自成以不殺收人心者也及陷
京師保護懿安皇后令自盡又獨於士大夫無所拷掠金
星等大忌之定州之敗河南州縣多反正自成召諸將議
巖請率兵往金星陰告自成曰巖雄武有大略非能久下
人者河南巖故鄉假以大兵必不可制十八子之讖得非

嚴乎因諸其欲反自成令金星與嚴飲殺之賊衆俱解體
自成歸西安復遣賊陷漢中降總兵趙光遠進略保寧時
獻忠以兵拒之乃還八月建祖禰廟成將往祀忽寒慄不
能就禮自成始以嚴言謬爲仁義及嚴死又屢敗復強狠
自用僞尙書張第元耿始然皆以小忤死制銅鑲官吏坐
昧卽鎔斬民盜一雞者死西人大懼

順治二年二月我兵攻潼關僞伯馬世耀以六十萬衆迎
戰敗死潼關破自成遂棄西安由龍駒寨走武岡入襄陽
復走武昌我兵兩道追躡連蹙之鄧州承天德安武昌窮
追至賊老營大破之者八當是時左良玉東下武昌虛無

人自成屯二十餘日賊衆尙五十餘萬改江夏曰瑞符縣
尋爲我兵所迫部衆多降或逃散自成走延寧蒲圻至通
城竄於九宮山秋九月自成留李過守寨自率二十騎略
食山中爲村民所困不能脫遂縊死或曰村民方築堡見
賊少爭前擊之人馬俱陷泥淖中自成腦中鉏死剥其衣
得龍衣金印眇一目村民乃大驚謂爲自成也時我兵遣
識自成者驗其尸朽莫辨獲自成兩從父僞趙侯僞襄南
侯及自成妻妾二人金印一又獲僞汝侯劉宗敏僞總兵
左光先僞軍師宋獻策於是斬自成從父及宗敏於軍牛
金星朱企郊等皆遁亡自成兄子過改名錦偕諸賊帥奉

高氏降於總督何騰蛟時唐王立於閩賜錦名赤心封高
氏忠義夫人號其軍曰忠貞營隸騰蛟麾下永明王時赤
心封興國侯尋死